



Broj: 01/14-11-3476-2/26  
Sarajevo, 03.07.2026. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24) (u daljem tekstu: „Zakona“), člana 41. Statuta Grada Sarajeva ("Službene novine Kantona Sarajevo", broj 07/23), a na preporuku Komisije za javne nabavke roba, usluga i radova u Gradu Sarajevu, imenovana Rješenjem broj: 01/14-04-211/26 od 16.01.2026. godine (u daljem tekstu „Komisija“) gradonačelnik Grada Sarajeva donosi

### ODLUKU

o izboru najpovoljnijeg ponuđača putem Otvorenog postupka

#### I

Prihvata se ponuda ponuđača CloudIT d.o.o. Sarajevo, sa sjedištem u ulici Industrijska zona Luka 11, 71380 Ilijaš, u postupku javne nabavke usluga "Usluge sortiranja, izlučivanja i profesionalne obrade registraturne i arhivske građe Grada Sarajeva", provedenog putem Otvorenog postupka sa prihvaćenom cijenom u iznosu od 89.839,00 KM bez PDV-a, odnosno 105.111,63 KM sa PDV-om.

#### II

Sa ponuđačem CloudIT d.o.o. Sarajevo zaključit će se Ugovor o pružanju usluga iz tačke I ove Odluke.

#### III

Sastavni dio ove Odluke čini Zapisnik o pregledu i ocjeni ponuda od 02.07.2026. godine.

#### IV

Ova Odluka stupa na snagu danom donošenja.

#### V

Ova Odluka će se objaviti na službenoj web stranici Ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.

### Obrazloženje

Odlukom o pokretanju postupka javne nabavke putem Otvorenog postupka, broj: 01/14-11-3476-1/26 od 03.06.2026. godine pokrenut je postupak javne nabavke usluga „Usluge sortiranja, izlučivanja i profesionalne obrade registraturne i arhivske građe Grada Sarajeva“.





Dana 03.02.2026. godine na portalu Agencije za javne nabavke objavljeno je Obavještenje o nabavci broj: 1278-1-2-71-3-56/26 od 10.06.2026. godine, dok je sažetak obavještenja o nabavci objavljen u Službenom glasniku BiH broj: 40/26 dana 16.06.2026. godine.

U predviđenom roku za dostavljanje ponuda na protokol Ugovornog organa zaprimljene su dvije (2) ponude i to kako slijedi:

- 1) ARHIV SERVIS Sarajevo, sa sjedištem u ulici Lužansko polje 7, 71210 Ilidža;
- 2) CloudIT d.o.o. Sarajevo, sa sjedištem u ulici Industrijska zona Luke 11, 71380 Ilijaš;

Postupajući shodno odredbama člana 63. Zakona, Komisija je u zakazano vrijeme pristupila javnom otvaranju ponuda, te utvrdila cijene pristiglih ponuda kako slijedi:

| RB | Ponudač                                                              | Datum i sat prijema  | Ukupna cijena ponude bez PDV-a | Ponuđeni popust | Ukupna cijena ponude sa popustom bez PDV-a |
|----|----------------------------------------------------------------------|----------------------|--------------------------------|-----------------|--------------------------------------------|
| 1. | ARHIV SERVIS d.o.o. Sarajevo<br>Lužansko polje 7                     | 30.06.2026. u 14:40h | 99.750,00                      | 9.975,00        | 89.775,00                                  |
| 2. | CloudIT d.o.o. Sarajevo<br>Industrijska zona Luka 11<br>71380 Ilijaš | 01.07.2026. u 09:40h | 89.839,00                      | -               | 89.839,00                                  |

Komisija je u postupku pregleda i ocjene ponuda, izvršila detaljnu analizu dokumentacije dostavljene u ponudi ponuđača ARHIV SERVIS d.o.o. Sarajevo, radi utvrđivanja njene formalno-pravne ispravnosti i usklađenosti sa zahtjevima tenderske dokumentacije.

Pregledom i ocjenom dostavljene dokumentacije Komisija je utvrdila da ponuđač ARHIV SERVIS d.o.o. Sarajevo, Lužansko polje 7, nije dokazao ispunjavanje uslova tehničke i profesionalne sposobnosti propisanih tačkom 7.3.1. tenderske dokumentacije, na način propisan tačkama 7.3.2. i 7.3.3. iste. Naime, tačkom 7.3.2. a) tenderske dokumentacije propisano je da je ponuđač dužan dostaviti spisak izvršenih ugovora uz potvrde o uredno izvršenim ugovorima, dok je tačkom 7.3.2. b) propisana obaveza dostavljanja važećih certifikata ISO 9001 i ISO 27001 ili ekvivalentnih dokaza. Nadalje, tačkom 7.3.3. tenderske dokumentacije propisano je da se navedeni dokumenti dostavljaju u originalu ili ovjerenoj kopiji od strane nadležnog organa (organ uprave – općina, sud ili notar). Komisija je utvrdila da ponuđač nije dostavio spisak izvršenih ugovora, iako je njegovo dostavljanje bilo izričito zahtijevano tenderskom dokumentacijom. Također je utvrđeno da su potvrde o uredno izvršenim ugovorima, kao i certifikati ISO 9001 i ISO 27001, dostavljeni u običnim kopijama, a ne u originalu ili ovjerenim kopijama, kako je propisano tačkom 7.3.3. tenderske dokumentacije. Imajući u vidu navedeno, Komisija je zaključila da ponuđač nije dokazao ispunjavanje uslova tehničke i profesionalne sposobnosti na način propisan tenderskom dokumentacijom, zbog čega njegova ponuda ne ispunjava uslove za dalje razmatranje i ocijenjena je kao neprihvatljiva za ovaj postupak javne nabavke.

Pregledom i ocjenom dostavljene ponude Komisija je utvrdila da je ponuđač CloudIT d.o.o. Sarajevo dokazao ispunjavanje svih uslova za kvalifikaciju propisanih tenderskom dokumentacijom, da je ponuda formalno-pravno ispravna, te da ispunjava sve zahtjeve Ugovornog organa. Shodno navedenom, ponuda je ocijenjena kao prihvatljiva.

Obavještenjem o nabavci i tenderskom dokumentacijom Ugovorni organ je predvidio provođenje e-aukcije putem Portala Agencije za javne nabavke Bosne i Hercegovine.



Međutim, s obzirom na to da su u predmetnom postupku blagovremeno dostavljene dvije ponude, od kojih je jedna ocijenjena kao neprihvatljiva, nisu bili ispunjeni uslovi za provođenje e-aukcije, u skladu sa odredbama tenderske dokumentacije i važećim propisima iz oblasti javnih nabavki.

Po okončanju svih propisanih procedura u predmetnom postupku, Komisija je Zapisnikom o pregledu i ocjeni ponuda od 02.07.2026. godine dala preporuku gradonačelniku Grada Sarajeva za donošenje Odluke o izboru najpovoljnijeg ponuđača u otvorenom postupku, odnosno za prihvatanje ponude ponuđača CloudIT d.o.o. Sarajevo u postupku javne nabavke usluga u postupku javne nabavke usluga "Usluge sortiranja, izlučivanja i profesionalne obrade registraturne i arhivske građe Grada Sarajeva", provedenog putem Otvorenog postupka sa prihvaćenom cijenom u iznosu od 89.839,00 KM bez PDV-a, odnosno 105.111,63 KM sa PDV-om.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu ostalu dokumentaciju propisanu tenderskom dokumentacijom.

Na osnovu preporuke Komisije za javne nabavke roba, usluga i radova u Gradu Sarajevu, a u skladu sa Zakonom o javnim nabavkama Bosne i Hercegovine, podzakonskim aktima i tenderskom dokumentacijom, odlučeno je kao u dispozitivu ove Odluke.

**Pouka o pravnom lijeku:** Protiv ove Odluke dozvoljena je žalba. Žalba se izjavljuje u roku od deset (10) dana od prijema Odluke, Uredu za razmatranje žalbi putem Ugovornog organa, u dovoljnom broju primjeraka.

**GRADONAČELNIK**

**Samir Avdić s.r.**

**Dostaviti:**

1. Ponuđačima u postupku (2x),
2. Pravobranilaštvu Grada Sarajeva (1x),
3. spis (2x).